

摘藻堂四庫全書薈要

史部

欽定大清會典卷五十二

禮部

祠祭清吏司

喪禮三

凡

皇貴妃喪禮疾革自

大內移至吉安所初薨

皇帝輟朝五日素服十日

若殯期逾十日及殯而止

命所出皇子公主持服

皇子去冠緯公主

皇子福晉去簪珥屆時入金棺奉安

金棺於正殿設几筵建丹旒於二門外之右陳儀仗於大門外

簡命王公大臣辦理喪儀既歛迺奠王以下四品官以上公主福晉以下一品夫人以上咸齊集男

摘冠緯女去首飾○所出

皇子皇子福晉成服截髮辮剪髮

皇孫皇孫婦媼戚隨成服至大祭日而除百日薙髮奏除諸

皇子及近支王公等並內務府總管一人散秩大臣三人侍衛九十人內府三旗佐領下官員及其妻以三分之一成服至大祭日而除薙髮本內管領下官員及執事男婦

皇子侍從成服至大祭日除服皆隨

皇子百日薙髮○朝晡日中三設奠朝晡設儀仗

王公官員公主福晉命婦咸齊集行禮舉哀如

儀

奠茶時惟皇子殿內
內監等隨行禮後皆同

○誦日而殯前期

行啟奠禮儀仗全設陳饌筵七席羊五酒五尊

楮帛萬有五千王公官員公主福晉命婦咸齊

集

皇子祭酒衆隨行禮舉哀畢各退至日豫設大輦

於大門外屆時

皇子祭酒三爵辦理喪儀王大臣鑒儀衛工部堂
官率昇夫進小輦奉

金棺出昇大輦禮部堂官祭輦內大臣祭所經門
橋皆三祭酒焚楮帛

皇子步送王公各官嫺戚以次隨行齊集之公主
福晉命婦先往以俟

金棺至奉安畢設几筵

皇子祭酒衆隨行禮舉哀畢焚楮帛丹旒各退

行初祭禮王公官員公主福晉命婦咸齊集設儀仗於

殯宮大門外陳饌筵三十五席羊二十一酒二十
一尊楮製丹旒一楮帛十有八萬九千張黃幕
於二門外之右設反坫具尊罍設儀仗陳冠服
遣官讀文致祭

皇子及衆隨行禮舉哀徹饌奉祭文冠服送燎所

皇子福晉祭酒行禮衆隨行禮舉哀畢迺焚冠服

楮帛各退翼日繹祭陳饌筵七席羊三酒三尊

楮帛萬有五千不設儀仗不齊集辦理喪儀大

臣內務府禮工二部光祿寺堂官執事內務府

總管夫人內管領妻祭酒行禮如儀○行大祭

禮儀與初祭同翼日繹祭儀與初祭次日繹祭

同○周月奠獻設儀仗陳饌筵十有一席羊五

酒五尊楮帛二萬一千衆齊集

不讀文

皇子祭酒儀同大祭

二周月三周月儀同

○內閣擬謚號候

欽定工部造絹

冊寶諏日行

冊謚禮設采亭於

午門外正副使二人詣內閣於

冊寶前行一跪三叩禮恭奉由

午門中門出安設於采亭一跪三叩校尉昇亭前

列黃蓋御仗至

殯宮大門外亭止正副使於亭前跪三叩正使奉冊副使奉

寶興由中門入陳於案三上香畢宣讀官以次宣冊文寶文畢各退迺行讀文致祭禮正使祭酒儀如月奠○百日讀文致祭陳饌筵十有五席羊七酒七尊楮帛五萬儀與月奠同○既卜葬吉先期行祖奠禮陳饌筵十有五席羊七酒七尊楮帛三萬七千儀與啟奠同奏遣

皇子及王公大臣官員往送沿途分站豫設

蘆殿繚以席垣

皇子王公各官內監女侍內府婦女三十人皆以
次隨行至宿次設脯奠翼日昧爽朝奠

皇子祭酒行禮如儀至

園寢日在

陵貝勒公大臣及不直班之官員咸於十里外道右跪
迎舉哀候過隨行奉安

金棺於

蘆殿翼日行遣奠禮設儀仗送往之王公大臣官員及在

陵貝勒公大臣官員暨貝勒公夫人大臣官員妻咸齊
集陳設禮儀一如祖奠及葬先期行遷奠禮陳
饌筵十有三席羊五酒五尊楮帛三萬儀與遣
奠同屆時奉移

金棺於墓前蘆殿升太平車奠獻行禮畢各退焚

楮帛儀仗至日奉

金棺由隧道入墓壙掩閉墓門

皇子於月臺前祭酒舉哀行三叩禮衆皆隨行禮
畢卒哭是日

皇子暨送往之王公大臣官員皆還京○行題主
禮豫期近

園寢之外設

蘆殿製造

神牌工竣設於案內閣大學士禮部堂官朝服行
一跪三叩禮刻字將近大祭以前卜吉填青各
行禮如初畢迺安奉於

蘆殿日點香燭逢大祭日奉入

饗殿依次奉安於座禮成奉安寢室○期年小祥
致祭行禮如儀○再期大祥如期年儀○三周
行禮儀同再期

凡

貴妃喪禮疾革自

大內移至吉安所初薨

皇帝輟朝五日

命所出皇子公主持服

皇子去冠緯公主

皇子福晉去簪珥屆時入金棺奉安

金棺於正殿設几筵建丹旒於二門外之右陳儀

仗於大門外

簡命王公大臣辦理喪儀既歛迺奠王以下三品官
以上公主福晉以下一品夫人以上咸齊集男
摘冠緯女去首飾○所出

皇子皇子福晉成服截髮辮剪髮

皇孫皇孫婦嬭戚隨成服至大祭日而除百日薙
髮奏除近支王公等及內務府總管一人散秩
大臣三人侍衛六十人內府三旗佐領下官員
及其妻以三分之一成服大祭日除服薙髮本

屬二內管領下官員執事男婦

皇子侍從皆成服大祭日除服皆隨

皇子百日薙髮○朝晡日中三設奠設儀仗凡三日

內府成服官員及護軍領催等男婦咸齊集至除

服日止行禮舉哀如儀○諏日而殯至日豫設大

輦於大門外屆時

皇子祭酒三爵辦理喪儀王大臣鑾儀衛工部堂

官率昇夫進小輦奉

金棺出昇大輦禮部堂官祭輦禮部官祭所經門
橋皆三祭酒焚楮帛

皇子步送王公各官嫔戚以次隨行齊集之公主
福晉命婦先往以族

金棺至奉安畢設几筵

皇子祭酒衆隨行禮舉哀畢焚楮帛丹旒各退○
行初祭禮儀仗全設陳饌筵三十一席羊十有
九酒十有九尊楮製丹旒一楮帛十有四萬九

千張金黃幕於二門外之右設反坫具尊壘王
公官員公主福晉命婦咸齊集遣官讀文致祭
皇子及衆隨行禮舉哀如儀翼日繹祭陳饌筵五
席羊三酒三尊楮帛萬不設儀仗不齊集內務
府禮工二部光祿寺堂司官執事內管領妻祭
酒行禮如儀○行大祭禮儀與初祭同翼日繹
祭儀與初祭次日繹祭同○周月奠獻設儀仗
陳饌筵十有一席羊五酒五尊楮帛二萬衆齊

集行禮儀與大祭同

二周月三
周月儀同

○行

冊謚禮與

皇貴妃同○百日奠獻陳設禮儀皆與月奠同○
既卜葬吉先期行祖奠禮設儀仗陳饌筵十有
三席羊五酒五尊楮帛三萬衆齊集奠獻行禮
如儀奏遣近支王公大臣官員往送沿塗奉安
蘆殿宿次設晡奠翼日朝奠

皇子祭酒行禮如儀至

園寢日在

陵貝勒公大臣及不直班之官員咸於十里外道右跪
迎舉哀候過隨行奉安

金棺於

蘆殿翼日行遣奠禮送往之王公大臣官員及在
陵貝勒公大臣官員暨貝勒公夫人大臣官員妻咸齊
集陳設禮儀均如祖奠及葬先期行遷奠禮儀
與遣奠同至日奉

金棺由隧道入墓壙掩閉墓門

皇子於月臺前祭酒舉哀行三叩禮衆皆隨行禮
畢卒哭是日

皇子暨送往之王公大臣官員皆還京○行題主
禮豫期近

園寢之外設

蘆殿製造

神牌工竣設於案內閣大學士禮部堂官朝服行

一跪三叩禮刻字將近大祭以前卜吉填青各行禮如初畢迺安奉於

蘆殿日點香燭逢大祭日奉入

饗殿依次奉安於座禮成奉安寢室○期年小祥致祭行禮如常儀○再期大祥如期年儀○三周行禮儀同再期

凡

妃喪禮疾革自

大內移至吉安所初薨

皇帝輟朝三日

命所出皇子公主持服

皇子去冠緯公主

皇子福晉去簪珥屆時入金棺奉安

金棺於正殿設几筵建丹旒於二門外之右陳采
仗於大門外

簡命王公大臣辦理喪儀既歛迺奠王以下三品官

以上公主福晉以下一品夫人以上齊集男摘冠緯女去首飾○所出

皇子皇子福晉成服截髮辮剪髮

皇孫皇孫婦嬭戚隨成服至大祭日而除百日薙髮奏除近支王公等及內務府總管一人散秩大臣三人侍衛六十人成服至大祭日除服薙髮所屬內管領一人並內管領下官員男婦皇子侍從皆成服至大祭日除服皆隨

皇子百日薙髮○朝晡日中三設奠設采仗

凡三日

內務府成服官員及護軍領催等各男婦齊集

至奉移日止

行禮舉哀如儀○諏日而殯至日豫設

大輦於大門外屆時

皇子祭酒三爵辦理喪儀王大臣鑒儀衛工部堂

官率舁夫進小輦奉

金棺出昇大輦內務府堂官祭輦禮部官祭所經

門橋皆三祭酒焚楮帛

皇子步送王公百官嫺戚以次隨行齊集之公主
福晉命婦先詣

殯宮以俟

金棺至奉安畢設几筵

皇子祭酒衆隨行禮舉哀畢焚楮帛丹旒各退○

行初祭禮采仗全設陳饌筵三十一席羊十有
九酒十有九尊楮製丹旒一楮帛十有四萬九
千張金黃幕於二門外之右陳反坫具尊罍王

公官員福晉命婦咸齊集遣官讀文致祭

皇子及衆隨行禮舉哀如儀翼日繹祭陳饌筵五
席羊三酒三尊楮帛萬不設采仗不齊集內務
府禮工二部光祿寺堂司官執事內管領妻祭
酒行禮如儀○行大祭禮儀與初祭同翼日繹
祭儀與初祭次日繹祭同○周月致祭陳饌筵
十有一席羊五酒五尊楮帛二萬衆齊集行禮

儀與大祭同

二周月三周月儀同

○百日致祭陳設禮儀

皆與月奠同○既卜葬吉先期行祖奠禮陳饌
筵十有三席羊五酒五尊楮帛三萬衆齊集奠
獻行禮如儀奏遣近支王公大臣官員往送沿
塗奉安

蘆殿宿次設晡奠翼日朝奠

皇子祭酒行禮如儀至

園寢日在

陵貝勒公大臣及不直班之官員咸於十里外道右立

迎舉哀候過隨行奉安

金棺於

蘆殿翼日行遣奠禮送往之王公大臣官員及在
陵貝勒公大臣官員暨貝勒公夫人大臣官員妻咸齊
集陳設禮儀均如祖奠及葬先期行遷奠禮儀
與遣奠同至日奉

金棺入墓壙掩閉墓門

皇子於月臺前祭酒舉哀行三叩禮衆皆隨行禮

畢卒哭是日

皇子暨送往之王公大臣官員皆還京○行題主

禮豫期近

園寢之外設

蘆殿製造

神牌工竣設於案內閣大學士禮部堂官朝服行
一跪三叩禮刻字將近大祭以前卜吉填青各
行禮如初畢迺奉安於

蘆殿日點香燭逢大祭日奉入

饗殿依次奉安於座禮成奉安寢室○期年小祥
致祭行禮如常儀

凡

嬪喪禮疾革自

大內移至吉祥房初薨

皇帝輟朝二日

命所出皇子公主持服

皇子去冠緯公主

皇子福晉去簪珥屆時入金棺奉安

金棺於正殿設几筵建丹旒於二門外之右陳采
仗於大門外既歛迺奠王以下一品官以上公
主福晉以下一品夫人以上咸齊集男摘冠緯
女去首飾○所出

皇子皇子福晉成服截髮辮剪髮

皇孫皇孫婦姁戚隨成服至大祭日而除百日薙

髮奏除王公內務府總管成服

無出者
不奏除

至大祭

日除服薙髮執事內管領一人及內管領下男婦之半成服隨

皇子除服薙髮○朝晡日中三設奠陳采仗

凡三日

內務府成服官員及護軍領催各執事人男婦分班齊集行禮舉哀如儀○諏日而殯至日豫設大輦於大門外屆時

皇子祭酒三爵工部堂官率舁夫進小輦奉

金棺出昇大輦內務府堂官祭輦禮部官祭所經
門橋皆三祭酒焚楮帛王公各官嫺戚以次隨
行步送齊集之公主福晉命婦先詣

殯宮以俟

金棺至奉安畢設几筵祭酒三爵衆隨行禮舉哀
畢焚楮帛丹旒各退○行初祭禮設采仗陳饌
筵二十一席羊十有一酒七尊楮製丹旒一楮
帛十萬五千張金黃幕陳反玷如儀衆齊集

皇子祭酒衆隨行禮舉哀畢各退翼日繹祭陳饌

筵三席羊三酒三尊楮帛六千不設采仗不齊

集內務府禮工二部堂司官執事內管領妻祭

酒行禮如儀○行大祭禮儀與初祭同翼日繹

祭儀與初祭次日繹祭同○周月奠獻陳饌筵

七席羊三酒三尊楮帛萬有四千儀與大祭同

二周月三周月儀同○百日奠獻陳設禮儀均與月奠同

既卜葬吉先期行祖奠禮陳饌筵九席羊三

酒三尊楮帛二萬內府成服官員男婦咸齊集
祭酒行禮如儀奏遣近支王公大臣官員往送
沿塗安奉

蘆殿宿次設脯奠翼日朝奠

皇子祭酒行禮如儀至

園寢日在

陵貝勒公大臣及不值班之官員咸於十里外道右立
迎舉哀候過隨行奉安

金棺於

蘆殿翼日行遣奠禮送往之王公大臣官員及在
陵貝勒公大臣官員暨貝勒公夫人大臣官員妻咸齊
集陳設禮儀均如祖奠及葬先期行遷奠禮儀
與遣奠同至日奉

金棺入墓壙掩閉墓門

皇子於月臺前祭酒舉哀行三叩禮衆隨行禮畢
卒哭是日

皇子暨送往之王公大臣官員皆還京○期年小
祥致祭行禮如常儀

凡

貴人喪禮疾革自

大內移入吉祥房初薨

命所生皇子公主持服

皇子去冠緯公主

皇子福晉去簪珥屆時入金棺設几筵建丹旒於

二門外之右既歛迺奠貝勒以下一品官以上
貝勒夫人以下一品夫人以上咸齊集不摘冠
緯不去首飾○所出

皇子皇子福晉成服截髮辮剪髮

皇孫皇孫婦嫺戚隨成服至大祭日而除百日薙
髮執事內管領一人及執事內管領下男婦之
半成服隨

皇子除服薙髮○朝晡設奠內務府成服官員及

護軍領催執事人男婦分班齊集行禮舉哀如儀○諏日而殯至日豫設大輦於大門外屆時皇子祭酒三爵工部堂司官率昇夫進小輦奉

金棺出昇大輦禮部官祭輦並祭所經門橋皆三祭酒焚楮帛貝勒各官以次隨行步送齊集之夫人命婦先詣

殯宮以俟

金棺至奉安畢設几筵祭酒三爵衆隨行禮舉哀

畢焚楮帛丹旄各退○行初祭禮陳饌筵十有五席羊九酒七尊楮製丹旄一楮帛六萬三千衆齊集張紅幕於二門外

皇子祭酒衆隨行禮舉哀畢各退翼日繹祭陳饌筵三席羊三酒三尊楮帛五千不齊集內務府堂司官執事內管領妻祭酒行禮如儀○行大祭禮儀與初祭同翼日繹祭儀與初祭次日繹祭同○周月奠獻陳饌筵七席羊三酒三尊楮

帛萬有四千儀與大祭同

二周月三周月儀同

○百日奠

獻陳設禮儀均與月奠同○既卜葬吉行祖奠

禮陳饌筵七席羊三酒三尊楮帛萬有四千內

府官及執事內管領下男婦齊集行禮如儀奏

遣大臣官員送往至

園寢之次日行遣奠禮送往之大臣官員及在

陵大臣官員暨命婦等咸齊集陳設禮儀均如祖奠及

葬先一日行遷奠禮儀與遣奠同至日奉

金棺入墓壙閉墓門

皇子於月臺前祭酒舉哀行三叩禮衆隨行禮畢
卒哭是日

皇子暨送往之大臣官員皆還京○期年小祥致
祭行禮如常儀

凡

皇祖

皇考妃嬪薨各按封號以治喪追封者視所追封之號

治喪皆如儀

欽定大清會典卷五十二



總校官候補中書臣吳紹潔

校對官檢討臣王鍾健

謄錄監生臣張賦京

欽定四庫全書薈要

史部

欽定大清會典卷五十三

六十五

詳校官編修臣繆晉



欽定大清會典卷五十三

禮部

祠祭清吏司

喪禮四

凡

皇太子喪禮未分封之

皇子薨逝有追封



皇太子者已冠

皇帝成服十三日而除未冠

皇帝去冠緯輟朝七日既歛奉安

金棺於

皇太子宮正殿設几筵建丹旒於宮門外之左

簡命王公大臣辦理喪儀奏除王公散秩大臣

皇太子近侍及侍衛九十人內府佐領內管領下

官員護軍等六百人成服至二十七日而除親

王以下有頂帶官員以上咸摘冠緯素服七日

直省官摘冠緯素服三日外藩王公台吉及公

主福晉等服內來京者咸摘冠緯去耳環朝鮮

使臣在京者素服七日在京官員軍民十三日

內不作樂不嫁娶直省以文到三日內不作樂

不嫁娶○初薨之日陳儀駕親王以下奉恩將

軍以上民公侯伯以下有頂帶官員以上公主

福晉以下一品夫人以上咸齊集朝晡日中三

設奠

朝脯進羹飯者
饌午奠進饌進

朝夕奠設儀駕齊集行禮

如儀

奠茶時內外齊集之
王公百官皆隨行禮

○諏日而殯先期行

啟奠禮遣官讀文致祭王公百官公主福晉命
婦咸齊集儀駕全設陳饌筵十有五席羊七酒
九尊楮帛三萬張秋香色幕於大門外之右設
反坫具尊壘設冠服於

几筵禮部堂官引讀祭文官進祭文於殿檐之左
進饌畢執事官進奠几遣官就奠几前跪讀祭

文官奉祭文至殿中門闕外北面跪禮部堂官
二人展祭文讀畢仍復於案遣官三祭酒行三
叩禮埃徹饌讀祝官奉祭文送燎所

皇太子近臣侍衛奉衣冠內大臣十人前引送燎
所遣官祭酒行禮如儀禮畢迺焚冠復楮帛各
退至日豫設大輦於大門外屆時

皇子祭酒三爵辦理喪儀王大臣鑒儀衛工部堂
官率舁夫進小輦奉

金棺出昇大輦禮部堂官祭輦內大臣祭所經門
橋皆三祭酒焚楮帛

皇子步送王公各官以次隨行齊集之公主福晉
命婦先詣

殯宮以俟

金棺至奉安畢設几筵

皇子祭酒衆隨行禮舉哀畢焚楮帛丹旒各退○
行初祭禮設儀駕陳饌筵六十三席羊二十一

酒二十五尊楮製丹旒一楮帛二十三萬五千
齊集行禮儀與啟奠同翼日繹祭陳饌筵九席
羊三酒三尊楮帛萬有五千辦理喪禮大臣禮
部工部內務府光祿寺堂官及內府成服官員
男婦咸齊集行禮如儀○行大祭禮儀與初祭
同翼日繹祭儀與初祭次日繹祭同○周月奠
獻陳饌筵十有七席羊七酒七尊楮帛五萬設
儀駕齊集行禮

二三月
莫儀同

○越日行

冊謚禮先期遣官祇告

太廟後殿

奉先殿至日鑾儀衛陳儀駕於

殯宮大門外內府官設

冊寶案於几筵前鴻臚官設

冊寶案於

太和門階上正中設采亭於階下正副使二人素

服立於階下之東內閣大臣奉絹

冊寶陳於案一跪三叩退正副使由東階升正使奉冊副使奉

寶降階安采亭內跪叩如前興校尉昇亭前列黃蓋御仗正副使隨行內大臣侍衛於

午門內金水橋旁王以下奉恩將軍以上於

午門外常朝處跪送民公侯伯以下四品官以上

豫往

殯宮大門外齊集埃亭至跪迎亭由

長安門出至

殯宮由中門入至二門止正副使詣亭前一跪三

叩奉

冊寶陳於案三上香畢宣讀官以次宣

冊寶畢各退承祭官出至月臺正中迺奠帛讀祝三

獻行禮如儀禮成奉祝帛絹

冊寶至燎所焚燎正副使復

命次日

頒示天下○百日奠獻陳饌筵十有九席羊七酒七
尊楮帛七萬儀與月奠同○既卜葬吉先期行
祖奠禮陳設禮儀與啟奠同奉移日陳大輦於
殯宮大門外王公官員公主福晉命婦以次齊集
靈駕至跪舉哀啟行後各退辦理喪儀王公大臣
禮部工部內務府鑾儀衛堂官及奏遣往送之
王公大臣侍衛等咸隨行翼衛所過門橋內大
臣祭酒焚楮帛沿途安奉

蘆殿朝夕設奠祭酒三爵往送之王公官員皆隨
行禮沿途守土官跪迎至宿次皆叩謁行二跪
六叩禮至

園寢日在

陵貝勒公大臣及不直班之官員咸於附近處跪迎舉
哀候過隨行奉

金棺暫安

饗殿次日行遣奠禮陳饌筵一羊一送往王公大

臣官員及在

陵之貝勒大臣官員咸隨行禮儀如祖奠先窆一日行
遷奠禮陳饌筵十有五席羊七酒九尊楮帛二
萬齊集行禮與前遣奠同屆吉時奉移

金棺於墓前蘆殿升太平車奠獻行禮畢各退焚
楮帛儀駕至日奉

金棺由隧道入奉安於墓壙奠獻行禮畢卒哭各
退送往之王公大臣官員皆還京○行題主禮

豫設

神座於

饗殿正中設奠案香几於前設

主案於奠案之東禮部堂官啟櫝奉

主於東案大學士詣案前行一跪三叩禮興東向
恭題畢禮部堂官奉

主奉安於

神座三叩退迺行虞祭禮陳牛一羊二帛一爵三

饌進一上香奠帛讀祝三獻承祭官行禮如常
儀○期年小祥致祭行禮儀與月奠同○再期
大祥如期年儀○三周行禮儀同再期

凡

皇子喪禮未分封之

皇子薨逝適長者

皇帝輟朝五日既斂奉采棺於正殿設靈座建丹旒
於門外之左已生子者

皇子福晉及所生

皇孫皆成服大祭日除二十七月內素服除親兄

弟伯叔成服外奏遣近支王公及散秩大臣三

人侍衛六十人內管領二人內府兩佐領下男

婦咸成服二十七日而除初薨之日王以下四

品官以上公主福晉以下二品夫人以上咸齊

集朝晡日中三設奠

奠茶時惟殿內行禮

朝晡奠齊集如

之○諏日而殯至日豫設大輦於大門外屆時

皇孫祭酒三爵鑾儀衛工部官率舁夫進小輦奉
采棺出昇大輦內務府官祭輦禮部官祭所經
門橋皆三祭酒焚楮帛

皇孫步送王公各官以次隨行齊集之公主福晉
命婦先詣

殯所以俟采棺奉安畢設靈座

皇孫祭酒衆隨行禮舉哀畢焚楮帛丹旒各退○
行初祭禮遣官讀文致祭設儀衛陳饌筵三十

一席羊九酒九尊楮製丹旒一楮帛十有四萬
讀文致祭王公官員福晉命婦咸齊集

皇孫奠獻

年幼遣
官代

衆隨行禮舉哀畢各退翼日繹

祭陳饌筵五席羊五酒五尊楮帛四千不齊集
內務府官祭酒行禮如儀○行大祭禮儀與初
祭同翼日繹祭儀與初祭次日繹祭同○周月
奠獻陳饌筵十有五席羊九酒七尊楮帛二萬
儀與初祭同○如奉

旨追封擇吉行追封禮正副使二人詣內閣

冊寶前行一跪三叩禮恭奉由

午門中門出安奉於豫設之采亭一跪三叩校尉
昇亭前列黃蓋御仗至

殯所大門外亭止正副使於亭前一跪三叩正
使奉

冊副使奉寶由中門入陳於案三上香畢宣讀官以
次宣

冊寶畢各退迺進饌讀祭文祭酒行禮如月祭儀○

百日奠獻陳設禮儀與月奠同○既卜葬吉先期行祖奠禮陳饌筵十有五席羊九酒五尊楮帛二萬齊集行禮與百日同至日奉移王公官員福晉命婦以次齊集俟采棺至立舉哀啟行後各退禮部工部內務府堂官各一人及原成服之王公大臣侍衛皆送往所過門橋禮部官祭酒焚楮帛沿途安奉蘆棚祭酒三爵至

園寢日行遣奠禮陳設禮儀均如祖奠先窆一
日行遷奠禮陳饌筵一羊一儀與遣奠同屆吉
日奉安采棺於

園寢墓穴焚儀衛祭酒行禮畢卒哭各退送往
之王公大臣官員皆還京○行題主禮豫期製
造

神主工竣設於案內閣禮部大臣朝服行一跪
三叩禮刻字填青咸各行禮如初畢乃安奉於

饗堂○期年小祥致祭行禮如常儀○再期大祥如期年儀○三周行禮儀同再期○中殤幼殤各殺其儀

凡親王薨喪

間

皇帝輟朝三日有

特恩

親臨者王子率合屬官員跪迎於大門外設

御座於左禮部堂官前引有司設奠几

皇帝座祭酒三爵舉哀畢

駕興王子率屬跪送如初迎儀

郡王同

親王以下奉恩

將軍以上民公侯伯都統尚書子以下佐領騎

都尉本翼宗室以上固倫公主親王福晉以下

縣君奉恩將軍恭人以上咸會喪府前陳儀衛

諸會喪者男摘冠緋女去首飾遶府屬官典喪

事備采棺

朱髹飾金龍

既歛施織龍紅綺帷帳設靈

座奠案建丹旒於大門之左王子以下府屬官
並長史護衛典儀命婦本支諸王貝勒貝子公
宗室應有服者皆成服餘會喪者各還喪主居
苫次每朝晡日中三設奠設饌如生時府屬男
婦咸集王子祭酒府屬官隨行禮舉哀卜日發
引前期啟奠設饌筵十有一席羊三酒三尊楮
帛三千發引日王以下應集者咸集東采棺以
織金紅綺三前引丹旒次列儀衛鞍馬散馬各

十有五匹以次前導覆棺以織龍紅綺幃金黃

幃

力不能如制少殺者聽惟
不許僭越等級以下同

舁夫八十人長史

祭輦所經門橋護衛祭酒皆焚楮帛王子及府

屬官員皆步送王福晉

白布
車帷

王府眷屬咸乘車

以從至殯次奉采棺安於殯堂王子祭酒三爵

衆隨行禮舉哀畢焚楮帛丹旒各散卹典由禮

部題請

諭祭二次翰林院撰祭文官給祭品初祭

賜給犢牛一

今改用羊

羊八酒九尊楮帛三萬遣禮部堂

官一人往奠是日日本王府設饌筵三十一席並

賜祭羊共十有八酒九尊楮帛十有四萬楮製丹旒
一設冠服為尸禮部堂官率所屬奉

諭祭文司官筆帖式前引至殯次

或園寢

王子率闔屬

官僚跪迎於大門外讀祭文官奉

諭祭文由中門入堂官隨入設祭文於左案乃上食

奠獻進奠几禮部堂官近几前立讀祭文官北

嚮立宣

諭祭文王子衆皆跪宣畢禮部司官進爵堂官跪三
祭酒每祭行一叩禮王子衆等皆隨行禮畢徹
饌奉祭文王屬護衛奉冠服送至燎所焚燎王
子祭酒行禮舉哀畢率屬望

闕謝

恩行三跪九叩禮

凡諭祭儀皆同

是日大功服王公宗室

除服次日繹祭設饌筵五席羊三酒三尊楮帛

一萬越日大祭儀如初祭是日期服王公宗室
及本屬旗員護軍等除服次日繹祭同前部給
塋費銀五千兩宗人府奏請

賜謚給立碑銀三千兩翰林院撰文勒石

墳塋制
見工部百

日致祭設饌筵十有五席羊九酒七尊楮帛二

萬祭畢王子以下府屬男婦皆除服衆皆薙髮

置守塋人十戶塋竣期年而葬

先期葬
者聽

前期祖

奠儀與啟奠同至日陳儀衛與發引同王以下

應送葬者皆往送葬前一日行遣奠禮儀如祖
奠奠日窆棺封墓王子率屬祭酒行禮畢乃卒
哭行題主禮畢設主於饗堂行虞祭禮期年致
祭禮與百日同再期致祭與期年同三周致祭
與再期同王子以下易吉服○世子薨喪

聞

皇帝輟朝二日親王以下奉恩將軍以上民公侯伯
都統尚書子以下叅領以上固倫公主親王福

晉以下縣君奉恩將軍恭人以上咸會喪采棺

朱髹
繪龍 斂奠

賜謚勒碑及期年而葬昇夫人數皆與親王同部給
塋費銀四千兩立碑銀二千五百兩守塋人八
戶發引時前導鞍馬散馬各十有四覆棺以織
龍紅綺幃幃幃初祭大祭

賜給羊酒如親王楮帛減五千祭日皆饌筵三十一
席羊十有八酒九尊楮帛十有三萬楮製丹旒

一百日致祭設饌筵十有五席羊九酒七尊楮
帛二萬○郡王薨喪

聞

皇帝輟朝二日親王以下會喪及采棺斂奠

賜謚勒碑覆棺幡幃鞍馬散馬守塋人戶咸與世子
同葬以七月部給塋費三千兩立碑銀二千兩
發引時舁夫六十四人初祭大祭

賜給羊酒視世子減二楮帛減二千祭日皆饌筵二

十五席羊十有三酒七尊楮帛十有二萬楮製
丹旒一百日致祭設饌筵十有三席羊七酒七
尊楮帛二萬○貝勒薨喪

聞

皇帝輟朝一日世子郡王以下奉恩將軍以上民公
侯伯都統尚書子以下本旗佐領以上和碩公
主世子福晉以下縣君奉恩將軍將軍恭人以上咸

會喪采棺

朱梨繪蟒發引日束
以絳綺三以下皆同

欽奠

賜謚勒碑葬期昇夫咸與郡王同部給塋費銀二千
兩立碑銀千兩守塋人六戶發引時前導鞍馬
散馬各十有三覆棺織蟒紅綺幃青綺幃初祭
大祭

賜給羊酒視郡王減二楮帛減八千祭日皆饌筵二
十一席羊九酒五尊楮帛十萬楮製丹旂一百
日致祭設饌筵十席羊五酒五尊楮帛二萬○
貝子之喪貝勒以下奉恩將軍以上民公侯伯

都統尚書子以下本旗叅領郎中以上咸會喪
飲奠

賜謚勒碑昇夫均與貝勒同日設朝晡奠二奠以五
月部給塋費銀千兩立碑銀七百兩發引時前
導鞍馬散馬各十有二覆棺織蟒青綺幃帷初
祭大祭

賜給羊酒如貝勒惟無犢楮帛減五千祭日皆饌筵
十有五席羊七酒五尊楮帛八萬楮製丹旒一

百日致祭設饌筵八席羊五酒五尊楮帛萬有
六千○鎮國公之喪貝子以下奉國將軍以上
郡君貝子夫人以下奉恩將軍恭人以上咸會
喪棺服斂奠

賜謚勒碑墓期帷幔昇夫皆與貝子同部給塋費銀
五百兩立碑銀四百五十兩發引時前導鞍馬
散馬各十初祭大祭

賜給羊酒視貝子減一楮帛減千祭日皆饌筵十有

五席羊七酒四尊楮帛六萬楮製丹旒一百日
致祭設饌筵七席羊四酒三尊楮帛萬有四千
○輔國公之喪貝子以下奉國將軍以上郡君
貝子夫人以下奉恩將軍恭人以上咸會喪棺
服歛奠

賜謚勒碑建塋墓期帷幙昇夫均與鎮國公同發引
時前導鞍馬散馬各八初祭大祭

賜給羊酒如鎮國公楮帛減千祭日皆饌筵十有五

席羊七酒四尊楮帛四萬楮製丹旒一百日致
祭設饌筵七席羊四酒三尊楮帛萬有二千○
鎮國將軍喪輔國公以下奉恩將軍以上咸會
喪輔國將軍喪鎮國將軍以下奉恩將軍以上
咸會喪奉國將軍喪輔國將軍以下奉恩將軍
以上咸會喪咸用朱棺官給塋費鎮國將軍五
百兩輔國將軍四百兩立碑鎮國將軍三百五
十兩輔國將軍三百兩發引時備鞍馬鎮國將

軍七匹輔國將軍五匹奉國將軍四匹

諭祭文鎮國將軍由翰林院撰輔國將軍以下由內

閣撰初祭大祭鎮國將軍各給羊二酒二尊楮

帛五千祭日皆饌筵十席羊五酒三尊楮帛二

萬八千楮製丹旒一輔國將軍初祭大祭各給

羊一酒一尊楮帛四千祭日皆饌筵九席羊三

酒一尊楮帛二萬四千楮製丹旒一奉國將軍

初祭大祭共給羊一酒二尊楮帛六千祭日皆

饌筵六席羊三酒一尊楮帛二萬楮製丹旒一
奉恩將軍故不會喪其朱棺歛奠與奉國將軍
同發引鞍馬三惟不讀祭文初祭大祭官給羊
酒如奉國楮帛減半祭日各饌筵五席楮帛一
萬六千楮製丹旒一

以上覆棺皆以金花青
綺幃帷舉皆繫以珠紅

凡親王福晉薨親王以下奉恩將軍以上固倫
公主親王福晉以下縣君奉恩將軍恭人以上
咸會喪采棺歛奠及周月百日之祭卜日而奠

之禮悉從王爵惟設丹旒於府門之右發引前導惟鞍馬無散馬

諭祭一次

後同

初祭大祭官給犢牛一

今改用羊

羊八酒九

尊楮帛二萬祭日皆饌筵三十一席羊十有八

酒九尊楮帛十有四萬楮製丹旒一○親王側

福晉之喪世子郡王以下奉恩將軍以上固倫

公主親王福晉以下縣君奉恩將軍恭人以上

咸會喪采棺斂奠與適福晉同百日之祭饌筵

視適福晉減二羊減一初祭大祭如蒙

賜祭官給羊視適福晉減二酒減二尊楮帛減三千

祭日皆饌筵二十七席羊十有五酒七尊楮帛

十有二萬楮製丹旒一○世子福晉之喪世子

郡王以下奉恩將軍以上固倫公主親王福晉

以下縣君奉恩將軍恭人以上咸會喪采棺斂

奠發引陳鞍馬皆與世子同百日之祭用羊七

饌筵十有三席初祭大祭官給犢牛一

今改用羊

羊

六酒七尊楮帛萬有七千祭日皆饌筵二十七
席羊十有五酒九尊楮帛十有二萬楮製丹旒
一○世子側福晉之喪世子郡王以下奉恩將
軍以上固倫公主親王福晉以下縣君奉恩將
軍恭人以上會喪如適福晉采棺歛奠發引鞍
馬並與適福晉同百日之祭饌筵減一初祭大
祭如蒙

賜祭官給楮帛視適福晉減二千祭日饌筵二十五

席羊十有三酒七尊楮帛十有二萬楮製丹旒
一○郡王福晉之喪世子郡王以下奉恩將軍
以上固倫公主親王福晉以下縣君奉恩將軍
恭人以上咸會喪采棺斂奠發引鞍馬皆與郡
王同百日之祭饌筵十有二席羊七初祭大祭
官給犢牛一今改羊六酒七尊楮帛萬有五千
用羊祭日皆饌筵二十五席羊十有三酒七尊楮帛
十有二萬楮製丹旒一○郡王側福晉之喪世

子郡王以下奉恩將軍以上和碩公主世子福
晉以下縣君奉恩將軍恭人以上咸會喪采棺
歛奠與適福晉同百日之祭饌筵視適福晉減
二羊數減亦如之初祭大祭無犢牛如蒙

賜祭官給羊視適福晉減一酒減二尊楮帛減五千
祭日皆饌筵二十席羊九酒五尊楮帛十萬楮
製丹旒一○貝勒夫人之喪世子郡王以下奉
恩將軍以上和碩公主世子福晉以下縣君奉

恩將軍恭人以上咸會喪采棺歛奠及百日之
祭皆與貝勒同初祭大祭共給羊五酒五尊楮
帛一萬祭日皆饌筵二十席羊九酒五尊楮帛
十萬楮製丹旒一○貝勒側夫人之喪貝勒以
下奉恩將軍以上郡主貝勒夫人以下縣君奉
恩將軍恭人以上咸會喪采棺歛奠如適夫人
惟百日之祭饌筵視適夫人減二初祭大祭如
蒙

賜祭官給羊酒視適夫人減二楮帛減三千祭日皆

饌筵十有五席羊七酒二尊楮帛八萬楮製丹

旒一○貝子夫人之喪貝勒以下奉恩將軍以

上郡主貝勒夫人以下縣君奉恩將軍恭人以

上咸會喪采棺斂奠及百日之祭皆與貝子同

初祭大祭共給羊三酒三尊楮帛七千祭日皆

饌筵十有五席羊七酒二尊楮帛八萬楮製丹

旒一○貝子側夫人之喪貝子以下奉恩將軍

以上郡君貝子夫人以下縣君奉恩將軍恭人
以上咸會喪采棺歛奠如適夫人百日之祭饌
筵羊隻視適夫人各減一初祭大祭如蒙

賜祭官給羊酒視適夫人各減一楮帛減干祭日皆
饌筵十有五席羊七酒二尊楮帛六萬楮製丹
旒一○鎮國公夫人之喪貝子以下奉恩將軍
以上郡君貝子夫人以下縣君奉恩將軍恭人
以上咸會喪采棺歛奠及百日之祭羊隻酒筵

皆與鎮國公同初祭大祭共給羊二酒二尊楮帛六千祭日皆饌筵十有五席羊七酒二尊楮帛六萬楮製丹旒一○鎮國公側室之喪貝子以下奉恩將軍以上貝子夫人以下縣君奉恩將軍恭人以上咸會喪采棺歛奠及百日祭筵羊隻之數咸如適夫人○輔國公夫人之喪貝子以下奉恩將軍以上貝子夫人以下奉恩將軍恭人以上咸會喪采棺歛奠及百日之祭與

輔國公同初祭大祭共給羊二酒二尊楮帛五
千祭日皆饌筵十有五席羊七酒二尊楮帛四
萬楮製丹旒一○輔國公側室之喪輔國公以
下奉恩將軍以上咸會喪采棺歛奠如適夫人
百日之祭羊減一饌筵減一席

凡固倫公主之喪采棺歛奠帷幔舁夫及祭奠
之禮皆與親王同惟發引前導有鞍馬無散馬

初祭大祭官給犢牛一

今改用羊

羊八酒九尊楮帛

二萬有

特恩親臨儀與親王同如下嫁外藩喪

聞由內院撰給

諭祭文遣內大臣侍衛及禮部理藩院堂官奉至墳
讀文致祭置守塋人八戶○和碩公主之喪采
棺歛奠帷幔舁夫及祭奠之禮均與世子福晉
同墳院之制與貝勒同下嫁外藩則遣官前往
讀文致祭置守塋人六戶○郡主之喪采棺歛

奠及帷幔舁夫祭奠之禮與郡王福晉同墳院
之制與和碩公主同下嫁外藩遣官讀文致祭
置守塋人六戶○縣主之喪采棺斂奠帷幔舁
夫及祭奠之禮皆與貝勒夫人同墳院之制與
公同如下嫁外藩並遣官讀文致祭置守塋人
四戶○郡君之喪采棺斂奠帷幔舁夫及祭奠
之禮皆與貝子夫人同墳院之制與縣主同如
下嫁外藩則遣官讀文致祭置守塋人四戶○

縣君之喪采棺斂奠帷幔舁夫及祭奠之禮皆與鎮國公夫人同墳院之制與郡君同如下嫁外藩則遣官讀文致祭置守塋人三戶○鄉君之喪采棺斂奠帷幔舁夫及祭奠之禮皆與輔國公夫人同

以上損舉皆
髻以硃紅

墳院之制與縣君同

置守塋人二戶

欽定大清會典卷五十三

欽定大清會典卷五十四

禮部

祠祭清吏司

喪禮五

凡民公溘逝之禮子截髮去冠緯夫人側室女子婦等去簪珥剪髮兄弟以下僕婢以上皆男去冠緯女去首飾設帷堂立喪主內喪主赴告

於親戚僚友擇時進采棺

朱髻飾金花

置寢室正中

既歛設靈座陳奠几五服之人皆成服喪主及諸子居苦次大功以下異室者各歸其家成服後每朝夕奠肴饌午奠餅餌陳設執事族人咸齊集上食設饌如生時遇朔望則於朝奠具殷奠肴核加盛卜日而發引前夕啟奠翼日以槨輦昇柩以靈車載魂帛陳鞍馬八匹儀從各以次前導棺覆以帷帷用青藍采綺昇夫六十四

人前引以丹旒銘旌

旗人用丹旒
漢人用銘旌

及殯所暫安

每日設奠如前行初祭禮親族咸集設饌筵十
有五席羊七楮帛四萬設衣冠為尸祭畢焚之
大功者至此易素服行大祭禮儀與初祭同期
服者至此易素服百日致祭禮與初祭同喪主
以下咸雉髮五月而葬豫期行題主禮屆葬期
先期祖奠至時舁柩如發引儀葬畢虞祭羊酒
楮帛隨宜酌用祭畢卒哭守塋人四戶期年小

祥再期大祥及三周悉詣塋域致祭羊楮饌筵
各視前減半二十七月服闋乃擇服從吉○侯
伯溘逝歛以朱棺發引陳鞍馬七匹初祭大祭
皆用羊六楮帛侯三萬六千伯三萬二千饌筵
侯十有三席伯十有二席餘皆與公同

凡一品官溘逝發引陳鞍馬六匹覆棺以銷金
青藍色綺為帷三月而葬守塋人二戶初祭大
祭楮帛二萬八千羊五饌筵十餘與侯伯同○

二品官之喪發引陳鞍馬五匹初祭大祭皆羊
四饌筵八席楮帛二萬四千餘與一品官同○
三品官之喪發引陳鞍馬四匹覆棺以青藍雲
綺為帷舁夫四十八人守塋人一戶初祭大祭
皆用楮帛二萬饌筵六席羊三餘與二品官同
○四品官之喪發引陳鞍馬三匹初祭大祭皆
用楮帛一萬六千饌筵五席餘與三品官同○
五品官之喪發引陳鞍馬二匹初祭大祭皆用

楮帛一萬二千饌筵四席羊二餘與四品官同

以上禩舉皆

髮以硃紅

○六七八品官之喪覆棺用青藍

素綺為帷昇夫三十二人守塋二人初祭大祭

皆用楮帛一萬饌筵三席餘與五品官同○九

品官及凡有頂帶官員之喪覆棺用青絹昇夫

二十四人餘與八品官同

以上禩舉皆
飾以紅塋

○兵民

發引陳鞍馬一匹覆棺以布昇夫十有六人

禩舉

兩端飾以黑

中飾紅塋祭用楮帛六千饌筵二席羊一餘

與有頂帶官員同○民公以下兵民以上居喪
二十七月內不燕會不鼓樂不娶妻納妾門戶
不換舊符

凡服制有五曰斬衰三年曰齊衰杖期不杖期
五月三月曰大功九月曰小功五月曰緦麻三
月服之差等有八曰斬衰三年者子為父母子

之妻同子為繼母

父之後妻

慈母

謂妾子無母父命他妻養之者

養

母

自幼過房與人者

子之妻同庶子為適母為所生母

庶子之妻同為人後者為所後父母為人後者

之妻同女在室為父母已嫁被出而反在室者

同適孫為祖父母及高曾祖父母承重適孫之

妻同

為人後者
承重同

妻為夫妾為家長同○曰齊衰

杖期者適子衆子為庶母

謂父妾
有子者

適子衆子之

妻同子為嫁母

謂親生母父
強而改嫁者

子為出母

謂親生
母父在

而被
出者

夫為妻

父母在
不杖

適孫祖在為祖母承重○

曰齊衰不杖期者祖為適孫父母為適長子及

衆子父母為適長子之妻父母為女在室者父

母為子為人後者繼母為長子衆子子為改嫁

繼母

謂父卒繼母改嫁而已從之者

從子為伯叔父母及姑在

室者為已之親兄弟及姊妹在室者為親兄弟

之子及女在室者孫為祖父母孫女為祖父母

雖適人不降庶孫為生祖母

慈母養母孫同

女出嫁為

父母為人後者為其本生父母

仕者解任士子輟考丁憂一年

女在室及雖適人而無夫與子者為其兄弟姊

妹及兄弟之子兄弟之女在室者女適人為兄
弟之為父後者婦為夫親兄弟之子及女在室
者妾為家長之父母妾為家長之正妻妾為家
長之長子衆子與其所生子為同居繼父兩無
大功以上親者○曰齊衰三月者為高祖父母
女孫雖適人不降○曰齊衰五月者為曾祖父母
母女孫雖適人不降為繼父先同居今不同居
者自來不同
居者無服為同居繼父兩有大功以上親者

○曰大功九月者祖為衆孫及孫女在室者祖

母為適孫衆孫及孫女在室者生祖母為庶孫

慈養祖

父母為衆子婦及女之已嫁者

慈母養母為其

母同

子婦

伯叔父母為從子婦及兄弟之女已嫁者

同

為人後者為其兄弟及姑姊妹在室者夫為人

後其婦為夫本生父母為已之同堂兄弟及姊

妹在室者為姑及姊妹之已嫁者為兄弟之子

為人後者女出嫁為本宗伯叔父母及兄弟與

兄弟之子為姑姊妹及兄弟之女在室者婦為

夫之祖父母為夫之伯叔父母○曰小功五月

者為伯叔祖父母

謂祖之親兄弟

為同堂伯叔父母

謂父

之堂兄弟

為同堂姊妹之出嫁者為再從兄弟及再

從姊妹在室者為同堂兄弟之子及女在室者

為祖姑在室者

謂祖之親姊妹

為堂姑之在室者

謂父之同

堂姊妹

為兄弟之妻祖為適孫之婦為兄弟之孫

及兄弟之孫女在室者為外祖父母為母之兄

弟姊妹為姊妹之子及女之在室者為人後者
為其姑及姊妹之已嫁者婦為夫兄弟之孫及
孫女在室者婦為夫之姑及夫之姊妹

在室出
嫁同

婦為夫之兄弟及夫兄弟之妻婦為夫同堂兄
弟之子及女之在室者女出嫁為本宗姊妹之
出嫁者為本宗堂兄弟及堂姊妹之在室者○
曰總麻三月者祖為衆孫婦曾祖父母為曾孫
曾孫女高祖父母為元孫元孫女祖母為適孫

衆孫婦為乳母為曾伯叔祖父母為族伯叔祖

父母為族伯叔父母為族兄弟及族姊妹在室

者為曾祖姑在室者為族祖姑及族姑在室者

為兄弟之曾孫及曾孫女在室者為兄弟之孫

女出嫁者為同堂兄弟之孫及孫女在室者為

再從兄弟之子及女在室者為祖姑

謂祖之親姊妹

及

堂姑

謂父之堂姊妹

及已之再從姊妹出嫁者為同堂

兄弟之女出嫁者為父姊妹之子為母兄弟之

子為母姊妹之子為妻之父母為壻為外孫及
外孫女為兄弟孫之妻為同堂兄弟子之妻為
同堂兄弟之妻婦為夫高曾祖父母為夫之伯
叔祖父母及夫之祖姑在室者為夫之堂伯叔
父母為夫之堂姑在室者為夫之同堂兄弟及
同堂兄弟之妻為夫之同堂姊妹
在室出
嫁同為夫
之再從兄弟之子及女在室者為夫同堂兄弟
之女出嫁者為夫同堂兄弟子之妻為夫同堂

兄弟之孫及孫女在室者為夫兄弟孫之妻為夫兄弟之孫女出嫁者為夫兄弟之曾孫及曾孫女之在室者女出嫁為本宗伯叔祖父母及祖姑在室者為本宗同堂伯叔父母及堂姑在室者為本宗堂姊妹之出嫁者為本宗堂兄弟之子及女在室者

五

服

總

圖

斬衰

三年

用至麤麻布為之縫下邊

齊衰

五月杖期
三月不杖期

用稍麤麻布為之縫下邊

大功九月

用麤布為之

小功五月

用稍麤布為之

緦麻三月

用稍細熟布為之

九族五服正服圖

凡適孫父卒為祖父
母承重服斬衰三年
若為曾高祖父母承
重服亦同祖在為祖
母止服杖期

族伯叔父母
謂父之異母兄弟及妻兄弟及妻

族兄弟妻
謂父之異母兄弟及妻兄弟及妻

再從姪
謂父之異母兄弟及妻兄弟及妻

凡男為人後者為本
生親屬服皆降一等
惟本生父母降服不
杖期父母報服同

祖

族祖父母
謂祖之異母兄弟及妻

從伯叔父母
謂父之異母兄弟及妻

從父兄弟
謂父之異母兄弟及妻

從姪
謂父之異母兄弟及妻

從姪孫
謂父之異母兄弟及妻

族曾祖父母
謂曾祖之異母兄弟及妻

祖伯叔父母
謂祖之異母兄弟及妻

伯叔父母
謂父之異母兄弟及妻

兄弟
謂父之異母兄弟及妻

姪
謂父之異母兄弟及妻

姪孫
謂父之異母兄弟及妻

曾姪
謂父之異母兄弟及妻

元孫
謂父之異母兄弟及妻

齊衰

齊衰

齊衰

期年

已

通長子
年期

通孫
年期

曾孫
麻

元孫
麻

高祖

曾祖

祖

父

已

通長子
年期

通孫
年期

曾孫
麻

元孫
麻

父母

父母

父母

母

身

衆子
平期

衆孫
功大

曾孫婦

元孫婦

三月

五月

林期

三年

謂曾祖之母

謂祖之母

謂父之親

謂已之親

謂父之妻

謂父之孫

謂父之曾

服

族曾祖姑

祖姑

姑

姊妹

姪女

姪孫女

曾孫孫女

在室無服
出嫁無服

在室小功
出嫁大功

在室期年
出嫁大功

在室期年
出嫁大功

在室期年
出嫁大功

在室小功
出嫁大功

在室無服
出嫁無服

謂祖之母

謂父之妻

謂父之孫

謂父之曾

謂父之孫

謂父之曾

服

族祖姑

從姑

從姊妹

從姪女

從姪孫女

在室無服
出嫁無服

在室小功
出嫁大功

在室大功
出嫁小功

在室小功
出嫁大功

在室無服
出嫁無服

凡婦人於子孫曾孫元孫

族姑

再從姊妹

再從姪女

及子孫婦服與男子同姑

姊妹女及孫女在室或已

嫁被出而歸服並與男子

同出嫁而無夫與子者為

兄弟姊妹及姪皆不杖期

在室無服
出嫁無服

在室小功
出嫁大功

在室無服
出嫁無服

族姊妹

在室無服
出嫁無服

凡同五世祖族屬
在總麻絕服之外
皆為袒免親遇會
喪則男摘冠纓女
去耳環

欽定大清會典

十

父母

麻

父母

無麻

父母

在室功

姑

三年小

夫

三年小

適婦

不教

適孫婦

麻

曾孫婦

無服

元孫婦

無服

夫曾祖姑

服

夫祖姑

出嫁無服

夫親姑

在室功

夫姊妹

功

夫姪女

出嫁大功

夫姪孫女

出嫁無服

夫曾姪孫女

麻

夫從祖姑

服

夫從姑

在室無服

夫從姊妹

麻

夫從姪女

出嫁無服

夫從姪孫女

出嫁無服

夫為人後其

夫族姑

服

夫再從姊妹

無服

夫再從姪女

出嫁無服

妻為本生舅

姑服大功

夫族姊妹

服

出嫁女為本宗降服之圖

		高祖父母		齊衰	
三月					
		曾祖父母		齊衰	
五月					
祖姊妹 在室總麻 出嫁無服		祖父母		祖兄弟 總麻	
父姊妹 在室大功 出嫁小功 在室總麻 出嫁無服		父母		伯叔父母 大功	
父堂姊妹 在室總麻 出嫁無服		已身		兄弟 大功	
堂姊妹 在室大功 出嫁小功 在室總麻 出嫁無服				堂兄弟 小功	
堂姪女 在室總麻 出嫁小功 出嫁無服		兄弟女		堂姪 總麻	
		兄弟子		堂姪 總麻	
		兄弟子		堂姪 總麻	

外

親

服

圖

妻為夫外
親服降一
等

母祖父母

無服

母之兄弟

即男小功

舅為母之兄弟服同

外祖父母

外祖父母報復總麻

小功

母之姊妹

即姨

小功

堂舅之子

謂之內兄弟

無服

舅之子

總麻

己身

相為

兩姨之子

總麻

堂姨之子

無服

舅之孫

無服

姑之子

謂之外兄弟

服

姨之孫

服

總麻

姑之孫

服

無

妻

親

服

圖

妻祖父母

服 無

妻伯叔

服 無

妻父母

服 總

妻之姑

服 無

妻外祖父母

服 無

妻兄弟及婦

服 無

己身

為 總

妻之姊妹

服 無

妻兄弟子

服 無

女之子

總 服

妻姊妹子

服 無

女之孫

服 無

妾為家長族服圖

家長衆子

期

家長

斬衰
三年

期年

家長父母

期

年

正妻

期年

期年

家長長子

期

為其子

年

三 父 八 母 服 圖

謂自幼過房與人

養母

新喪三年

謂妻生子稱父之正妻

謂親母因父死再嫁他人

嫁母

庶母

謂父有子妻

不同居繼父適母

期年

兩無大功親謂繼父無子已身亦無伯叔兄弟之類

同居繼父

自來不曾隨母與繼父同居無異

新喪三年

謂父後妻

謂父死繼母再嫁他人隨去者

從繼母嫁

繼母

出母

乳母

兩有大功親謂繼父有子孫自己亦有伯叔兄弟之類

齊衰三年

新喪三年

謂所生母死父今他妻撫育者

慈母

新喪三年

總麻

卹典

凡賜卹之禮大臣病故有位隆望重功德懋著者喪

聞

朝廷軫念輟朝

親臨祭酒或遣

皇子王公大臣侍衛往奠或賜爵秩祀發帑治喪並出

特恩餘皆按品給與祭奠之費文官尚書武職都統
以上由內院撰文遣官宣讀致祭祭銀二十五
兩奠費五百兩易名

賜諡由部具題請

旨予諡者勒碑給費三百五十兩碑文由內閣撰擬
侍郎巡撫等二品官應得卹典者不請諡在任
已及三年給奠費四百兩未及三年者半之遣
官致祭與一品官同給祭銀二十兩公侯伯子

男世爵兼他職宣勞者由部以給與全葬或半葬及應否予謚聲明疏內請

旨裁定祭銀公四十兩侯三十五兩伯三十兩葬費公六百五十兩侯六百兩伯五百五十兩子如一品官之數予謚立碑公侯伯各給銀四百兩子三百五十兩散秩世爵止給祭銀無葬價男爵無謚全葬半葬皆視其兼他職與否祭銀之數與二品官同滿漢文武一二品官以年老有

疾原官致仕病故者應得卹典與見任同三品
官以下雲騎尉三等侍衛文官知縣武官守備
以上如死事行閒者以加贈品級給與祭銀三
品官十有六兩四品官十有二兩五品官十兩
葬費三品官三百兩四品官二百兩五品至七
品官百兩在內由工部給發直省由布政使司
給發

欽定大清會典卷五十四

欽定大清會典卷五十五

禮部

祠祭清吏司

護日

護月附

凡日月食由欽天監豫推交食時刻及食之分
秒具疏以

聞

旨下通行直省及四夷屬國奉正朔者按欽天監所推時刻分秒隨地測驗祇行救護

凡護日食之禮部委祠祭司郎中一人暨欽天

監博士一人赴觀象臺測驗禮部設香案於露

臺上

隨食時早
晚為禱

設各官拜位於香案前鴻臚寺

鳴贊二人糾儀御史四人禮部監禮司官四人

序立於案左右鑾儀衛陳金鼓於儀門外左右

文武有頂帶官以上咸朝服齊集欽天監候時

官以日初虧告鴻臚官引各官就拜位序立鳴

贊贊上香禮部尚書詣香案前上香贊跪叩興

暨各官行三跪九叩禮贊跪禮部尚書就案前

跪衆皆跪和聲署官二人奉鼓及枹進贊伐鼓

救護禮部尚書援枹伐鼓者三儀門金鼓皆作

禮部堂官更番上香各官分班祇跪儀門候時

官以日復圓告金鼓止衆聽贊行三跪九叩禮

如初禮成皆退○月食於太常寺行禮救護儀

興護日禮同○直省救護日月食省會於督撫署各府州縣各於其公署齊集自初虧時鳴金鼓至復圓止上香行禮儀均與

京師同

方伎

凡陰陽家由直省有司官擇明習術數者申督撫咨部給劄為陰陽學府州縣各一人府曰正

術

從九品

州曰典術縣曰訓術

均未入流

以轄日者形

家之屬禁其幻妄惑民都邑有大典禮大興作
卜日候時用之

凡醫師由直省有司官選諳於醫理者咨部給

劄為醫學府州縣各一人府曰正科

從九品

州曰

典科縣曰訓科

均未入流

凡疾醫瘍醫咸屬之民有

疾病者疖瘍者使醫分治獄囚病視療亦如之
官給其藥餌故者結報有詐病而扶同欺隱者

罪之

凡民有出家為僧道者置首領以約束之在

京師者曰僧錄司左右善世二人

正六品

闡教二人

從六品講經二人

正八品

覺義二人

從八品

曰道錄司

左右正一二人

正六品

演法二人

從六品

至靈二人

正八品

至義二人

從八品

由部選擇移吏部補授在

直省者府曰僧綱道紀州曰僧正道正縣曰僧

會道會

均未入流

府二人州縣各一人由直省咨部

給劄均擇其樸謹者為之仍服方外衣冠不得

與職官並列○僧道不守規律者聽所司究治
若所犯事涉軍民聽有司訊鞠有作姦犯科者
論如法編管為民○僧尼受戒者給度牒道士
女冠給執照年逾四十許授徒一人以牒照相
傳若僧未受戒及道有室者不得授徒牒照止
其身送部彙銷○寺觀以僧道為廟祝有遠方
僧道投止驗無牒照即報有司訊究私留者論
婦女入廟游觀廟祝不禁拒者罪與本人同○

僧道不得於市肆誦經托鉢陳說因果歛聚金錢違者懲責游手頑民託名方外或指稱仙佛謬許前知以惑民聽者從重治之若創立無為白蓮焚香間香混元龍元洪陽圓通大乘等教誘致愚民男女擾雜擊鼓鳴金迎神賽會者論如律步軍統領五城司坊及直省守土官嚴行禁止

內監

凡民有願為內監者十五歲以內具保呈部十
五歲以外本籍州縣官具結送部由部咨送內
務府察驗收用

欽定大清會典卷五十五

欽定大清會典卷五十六

禮部

主客清吏司

賓禮

朝貢

凡四夷朝貢之國東曰朝鮮東南曰琉球蘇祿

南曰安南暹羅西南曰西洋緬甸南掌

西北番夷見理

藩院皆遣陪臣為使奉表納貢來朝

凡

勅封國王朝貢諸國遇有嗣位者先遣使請命於

朝廷朝鮮安南琉球

欽命正副使奉

勅往封其他諸國以

勅授來使齎回迺遣使納貢謝

恩○朝鮮國王王妃與王同封子長則請封世子皆
三品以上官充正副使服色儀從各從其品安
南琉球以翰林院科道禮部五品以下官充正
副使

特賜一品麒麟服以重其行儀從皆視一品使歸還
其服於所司

凡貢期朝鮮歲至琉球間歲一至安南六歲再
至暹羅三歲蘇祿五歲南掌十歲一至西洋緬

甸道遠貢無定期

凡貢道朝鮮貢使渡鴨綠江入境由鳳凰城陸路至

盛京入山海關赴

京師琉球由福建閩安鎮蘇祿由廈門西洋由廣東澳門暹羅由虎門皆浮舟於海經涉重洋入境安南由廣西太平府緬甸由雲南永昌府南掌由普洱府皆陸行款關入境各至省城督撫

具疏以

聞由部覆准

命下廼禮遣入京

凡貢物各將其國之土實非土產者勿進朝鮮
安南琉球緬甸蘇祿南掌皆貢有常物西洋暹
羅無常貢惟其所獻或輸內務府或入武備院
或納鑾儀衛或留於

盛京及邊省各付所司備用有因事慶賀及謝

恩加貢者廩餼賚予如常貢其方物則留充正貢之數

凡從人朝鮮貢使從書狀官一人大通官三人
護貢官二十四人有賞從役三十人無賞從役
無常數琉球西洋暹羅蘇祿貢舟無過三每舟
人無過百赴京無過二十安南緬甸南掌入貢
人無過百赴京無過二十其不赴京者留於邊
境邊吏廩餼之俟使回至邊率之歸國

凡進表各國貢使就館次日黎明禮部設案於堂正中提督會同四譯館鴻臚寺少卿朝服率貢使暨從官各服其國朝服由館赴部入左角門竢於階下禮部侍郎一人出立於案左儀制司官二人鴻臚寺鳴贊二人立於左右楹南咸朝服館卿先升立於階前鳴贊贊進表司賓序班二人引貢使奉表升階副使從官隨升贊跪正使以下皆跪贊接表侍郎恭接陳於案正中

復位立贊跪叩興正使以下行三跪九叩禮畢
序班引退儀制司官奉表送內閣恭竣

命下納方物於所司

凡朝儀貢使至京遇大朝常朝之期

皇帝御太和殿王公百官朝賀畢序班引貢使暨從
官各服其國朝服就丹墀西班末聽贊行三跪
九叩禮

賜坐

賜茶皆如儀

詳見儀制司

若不遇朝期由部奏請

召見

皇帝御便殿領侍衛內大臣侍衛左右侍立禮部尚書一人采服引貢使服其國朝服入至丹墀西行三跪九叩禮畢引由右階升通事一人從升至

殿門外跪禮部尚書傳

旨慰問貢使以其國語對通事譯言禮部尚書代奏

禮畢引出如待以優禮則議政大臣內大臣八旗大臣咸補服入

殿侍立禮部尚書引貢使至丹墀西行三跪九叩禮升右階入

殿右門立右翼大臣之末廼

賜坐貢使隨衆跪一叩坐

賜茶跪接坐飲皆行一叩禮

皇帝慰問貢使起跪奏對如前儀禮畢引出

賜食於朝房翼日詣

午門外謝

恩如常儀

凡

賜予由部疏請得

旨行諸司供具屆期設案於

午門外

御道左戶部工部內務府司官各陳

賜物於案上駟院陳馬於庭

各國惟朝鮮及貢使

國王禮部賜馬

堂官一人立案南西面主客司官隨後立御史四人鴻臚寺鳴贊二人序班二人夾

御道左右東西面立咸朝服提督會同四譯館鴻臚寺少卿朝服率貢使暨從官各服其國朝服由

長安左門入至

午門外立

御道右東面鳴贊贊排班序班引貢使從官北面
序立聽贊行三跪九叩禮畢廼頌

賜於國王主客司官奉授貢使貢使跪受轉授其從
人次頌

賜於正副使及從官從人主客司吏奉授各跪受訖
廼謝

恩行三跪九叩禮畢引貢使退堂官以下皆退

凡館餼各國貢使就館工部飾房宇備器具給

炭薪戶部支粟米芻豆光祿寺日具脯資餼牽

詳見精膳司

皆館卿稽察而均調之

凡

賜燕各國貢使朝貢事竣

賜燕於部將歸燕於館舍

詳見精膳司

主席以禮部堂官

一人歸及邊境燕於省城主席以司道一人

凡迎送朝鮮貢使以禮部通官迎於鳳凰城送亦如之各國貢使由各省督撫遣丞倅迎於邊

界即令伴送至

京及

朝貢禮畢安南琉球暹羅緬甸蘇祿均疏列禮部
滿漢司官各二人引

見恭候

欽點一人送至各省會城督撫遣官伴送出境南掌
仍以伴送來京之人送往西洋貢使以內務府
司官暨西洋人之供職欽天監者迎送於廣東

皆往來乘傳所需舟車夫馬次舍饗餼有司官
憑郵符供備經過地方遞撥官軍防護以達遠
人

凡市易各國貢使入境其舟車附載貨物許與
內地商民交易或就邊省售於商行或攜至
京師市於館舍所過關津皆免其徵若夷商自以
貨物來內地交易者朝鮮於

盛京邊界中江每歲春秋兩市會寧歲一市慶源

間歲一市以禮部通官二人寧古塔筆帖式驍
騎校各一人監視之限二十日畢市海外諸國
於廣東省城每夏乘潮至省及冬候風歸國均
輸稅於有司與內地商民同

凡禁令外國有事陳請專差陪臣齎文赴部或
外由督撫為之轉奏專達於

朝者禁貢使入境及貢道所經各定地界不由正
道越行他省者禁私買違制服色史書兵器銅

鐵油蔴焰硝及帶內地人口米穀出境者禁江
海相際越境漁採者禁陸界甌脫之地中外軍
民設屯堠關田廬逋逃寄寓者禁封疆文武官
不因公事通文書於外國者禁奉使出疆多受
餽遺往來送迎私索土宜者禁有干禁令者論
如法

凡賙卹朝鮮安南琉球國王卒其嗣子遣使告
哀廼

賜故王諡以

勅封嗣王之使兼充

諭祭使齋祭文香帛白金往其國

諭祭貢使沒於内地在京遣祠祭司官在道遣所在
有司致祭願攜柩歸國者聽願葬内地者有司
擇地封窆立表以識之費資於官其國有大饑
饉遣使乞糴者令鄰疆官吏發倉庾以平其價
仍以粟賙之

凡拯救外國商民船有被風飄至內洋者所在
有司拯救之疏報難夷名數動公帑給衣食治
舟楫候風遣歸若內地商民船被風飄至外洋
者其國能拯救資贍治舟送歸或附載貢舟以
還皆

降勅褒獎該國王

賜其陪臣有差

賓館

凡賓館設廣廈以待諸國貢使之至置象譯以通言語習番夷書曰會同四譯館

凡館舍一在御河橋一在宣武門內一在正陽門外貢使將至行工部庀治以除燥濕既至館卿率大使稽其出入視其脯資餼牽母有不給○貢使至次日奉表詣部納貢遇朝期隨廷臣後朝賀事竣

賜燕於部及館

頒賞於午門外皆館卿率使臣行禮○館內日給饗
餼由光祿寺供備食米芻菽器用薪炭由戶工
二部支應芻草依五城所報時價和買運費草
價均領於戶部事竣具其數申部察覈移所由
各衙門奏銷防護官兵奏交兵部撥送○館舍
或傾圯應修費巨者奏請費輕者移工部委官
暨館卿會計修理

凡象譯朝鮮安南琉球表章皆用中國書惟習

朝鮮言語設譯生二十人於各旗朝鮮子弟內
選充習回回西番書設西域館譯生四人習暹
羅緬甸蘇祿南掌書設百夷館譯生四人均於
順天府屬儒童內選充

凡授職大使員闕咨吏部以序班序補通官及
序班員闕均以譯生選補咨吏部注冊

馬館

凡設館以牧外藩馬駝在宣武門內者曰內館

在廣渠門外者曰外館下嫁外藩公主郡主暨額駙歸寧外藩王公台吉來朝及索倫貢貂乘來馬駝均入牧焉

凡芻牧之期以冬十月一日入館至次年夏四月一日出館由理藩院具外藩馬駝之數移館以稽出入

凡芻牧之數外藩親王馬駝六十匹郡王五十貝勒四十貝子三十有五公二十有五扎薩克

台吉十台吉等八都統子副都統五○固倫公
主馬駝六十五匹額駙視貝勒和碩公主視親
王額駙視貝子郡主視郡王縣主視貝勒郡君
視貝子額駙均視公縣君視公額駙暨公主之
子戚畹封台吉者均十有五鄉君視扎薩克台
吉

凡芻牧需費每馬駝十有三匹用夫一名豆支
於戶部柴支於工部鹽支於光祿寺草依五城

所報時價和買雇直運費草價均於戶部支領
監督一年期滿具冊申部察覈仍咨各衙門奏
銷

凡監視芻牧內館旗員一人外館二人防護驍
騎校如之兵各二十名由兵部移八旗均委輪
直

欽定大清會典卷五十六

欽定四庫全書
經義集解

總校官候補中書臣吳紹梁

校對官助教臣金學詩

校對官檢討臣郭寅

謄錄監生臣徐士俊

謄錄監生臣馬嗣全

欽定四庫全書叢要

史部

欽定大清會典卷五十

七至
九

詳校官編修巨繆晉



欽定大清會典卷五十七

禮部

精膳清吏司

燕禮

凡大燕之禮恭遇元日

萬壽聖節及大慶典前期部疏請得

旨由領侍衛內大臣奏



命進酒大臣尚茶庀茶尚膳內管領庀

御饌王以下入八分公以上進饌席牲酒有不足者

光祿寺供酒席兩翼稅務供羊均由司示備是
日巳刻內外王公台吉百官朝服咸集鑒儀衛
設鹵簿樂部設樂懸如朝儀武備院張黃幕於
丹陛正中內務府設反坫於幕下陳尊壘卮爵
於坫上禮部設青幕於丹墀夾鹵簿東西各八
豫陳

御筵於

寶座上稍南

寶座下左右設內外王公大臣台吉席各七行席各四十有一均東西相嚮

寶座左右陞後設後扈大臣席各一僉嚮

寶座前左右設前引大臣席各三東西相嚮

寶座後左右豹尾班侍衛席各一西豹尾班之次

起居注日講官席一均南嚮

殿門外西檐下都察院樂部堂官席一東嚮丹陛
上一二品官侍衛各三行席各二十有三東西
相嚮黃幕東禮部堂官席一西嚮西內務府堂
官席一東嚮丹墀青幕下東為鑲黃正白鑲白
正藍四旗官及內閣吏部戶部禮部宗人府通
政使司翰林院詹事府理藩院太常寺光祿寺
吏科戶科禮科鴻臚寺國子監欽天監太醫院
席西為正黃正紅鑲紅鑲藍四旗官及兵部刑

部工部都察院大理寺鑾儀衛太僕寺中書科
兵科刑科工科順天府兵馬司外國貢使席各
二十有四東西嚮午刻鴻臚寺官引內王公百
官理藩院官引外藩王公入王以下公以上在
丹陛上百官在丹墀東西序立禮部堂官奏請
御太和殿

皇帝禮服出宮前引後扈

午門鳴鐘鼓中和韶樂作

陞座樂止鳴鞭記注官入

殿右門立均如朝儀鴻臚官引王公大臣由

殿左右門入暨百官各就席行一叩禮坐尚膳內

管領護軍叅領升通

御筵降廼進茶丹陛清樂奏海宇昇平日之章尚茶
正率尚茶侍衛執事等舉茶案以次由中道進
至檐下進茶大臣奉茶入

殿中門羣臣咸就本位跪進茶大臣由中陛升至

御前跪進茶退立於西旁

皇帝飲茶羣臣均行一叩禮進茶大臣跪受茶碗由
右陞降出中門羣臣咸坐侍衛分

賜王公大臣茶內府護軍執事等分

賜幕下大臣官員茶尚茶正等徹茶案

凡常朝
賜茶儀皆同

樂止展席畢迺進酒內府掌儀司官二人奉壺
爵一人奉卮進丹陛清樂奏玉殿雲開之章羣
臣起立掌儀司官於

殿左門外西嚮酌酒進酒大臣出席釋補服

元日則釋

端畢入

殿中跪羣臣咸於坐次跪掌儀司官奉爵入西嚮跪授大臣退進酒大臣奉爵興由

寶座中陞升由

御筵右進至

御座側進爵興由右陞降至原位跪

皇帝進酒進酒大臣行一叩禮羣臣均隨行禮進酒

大臣由右陞升跪受爵仍由中陞降至原位跪
掌儀司官入跪奉爵退羣臣起立

賜進酒大臣酒掌儀司官酌金卮以入立授進酒大
臣大臣受一叩卒飲掌儀司官立受卮退進酒
大臣一叩興羣臣坐進酒大臣出加補服入席
坐迺進饌中和清樂奏萬象清寧之章尚膳承
旨分賜食品於各席徧樂止笳吹作奏畢慶隆舞進
舞揚烈舞畢隊舞大臣進

殿中舞喜起舞所司舉反玷進至

殿陛下

御前侍衛酌卮酒升至

御座前

皇帝簡召王公大臣賜酒領侍衛內大臣視侍衛徧
賜殿陛王公大臣酒光祿寺官分

賜左右青幕下百官酒羣臣咸跪受一叩卒飲一叩
坐隊舞退朝鮮國俳進百技以次並作退尚膳

升徹

御筵降羣臣起立鴻臚官引

殿內王公大臣由左右門出引丹陛各官皆降東
西階丹墀百官咸出幕就東西班序立謝

恩聽贊行一跪三叩禮丹陛大樂作禮畢樂止鳴鞭
中和韶樂作

皇帝還宮樂止所司徹席幕各退

凡

皇太后宮設燕之禮恭遇

皇太后聖壽元日

於正月初二日設燕

各慶典前期部疏請得

旨命所司庀饌尚膳內管領庀

皇太后

皇后御筵

貴妃

妃

嬪饌筵親王郡王各進饌筵牲酒不足者光祿寺

備具以足四十席至日內鑾儀衛設

皇太后儀駕內監設樂懸如朝儀尚膳女官內管領妻
設

皇太后御筵於寶座上稍南

寶座之東僉設

皇后筵稍後設

貴妃

妃

嬪筵又後設公主褖晉以下鄉君入八分公夫人
以上席重行均東西相嚮丹陛上設公侯伯子
男滿一二品大臣命婦侍衛妻席均東西相嚮
張黃幕於

慈寧門外正中幕下設反坫上陳尊壘卮爵屆時

行燕禮

儀詳內
務府

凡

保和殿

賜燕之禮歲除日燕外藩蒙古於

保和殿前期内務府庀饌請

旨命進酒大臣是日武備院張黃幕於

殿南正中所司設反坫於幕下陳尊罍卮爵如儀

尚膳設

御筵於

寶座上

殿內設外藩王公暨內大臣並與燕文武大臣席

丹陛上設台吉暨侍衛席均按翼東西相嚮樂部設宮懸於

殿左右檐下設丹陛大樂於

中和殿北左右均北面屆時行燕禮

儀詳內務府

正月

十四日十五日燕外藩蒙古或於

保和殿或於

行幸駐蹕儀同

凡

視學禮成翼日燕有事諸臣於禮部司視人數付光祿寺庀饌是日朝服視設布席於堂視官次為左右衍聖公大學士內閣學士翰林院詹事府官國子監祭酒司業禮部太常寺光祿寺鴻臚寺及執事官十三氏子孫咸與三品以上異席四品以下共席設香案於露臺上序班引各官詣香案前望

闕序立鳴贊贊排班贊行三跪九叩禮畢迺就席

坐茶至一叩酒至一叩飲畢一叩茶一行酒三
行興詣香案謝

恩行禮如前各退

凡

經筵禮成燕進講暨侍班執事各官於

協和門前期付光祿寺庀饌至日門南西嚮設席
講官大學士尚書侍郎左都御史左副都御史
通政使副使大理卿少卿詹事少詹事

起居注日講官鴻臚卿糾儀科道鴻臚寺鳴贊各
官序坐以北為上燕畢詣

太和門前金水橋南謝

恩一跪三叩畢各退

凡會試入闈日燕有事各官於禮部是日本部
官朝服齊集視設堂後楣之東設主考官知貢
舉監場副都統席同行西嚮前楣西設本部堂
官席後設司官席重行東嚮堂左右設同考監

試監場叅領叅將收掌外簾四所官席露臺左
右設鳴贊醫官監門巡綽等官席均重行相嚮
設香案露臺上南嚮主考以下官咸朝服集

午門外候宣

旨畢迺赴燕陪燕堂官迎於堂檐下拱揖遂詣香案
前鳴贊官夾案立贊排班贊跪叩興衆北面望
闕行三跪九叩禮畢迺升堂光祿寺官奉壺爵尚
書立揖祭酒三遂送主考酒以次送知貢舉副

都統光祿寺官分送同考以下各官主考酬酢
主席徧依次就席光祿寺供饌燕畢仍詣香案
謝

恩行禮如前主考各官入闈送如迎儀徹闈燕同
凡

殿試傳臚翼日燕有事各官及諸進士於禮部曰
恩榮燕豫期由部奏請

命主席大臣至日司官朝服視設堂後楹之東設主

席大臣席於正中讀卷官鑒儀衛堂官席於左
右同行西嚮前楹西設本部堂官席同行東嚮
皆異席受卷彌封收掌監試護軍叅領填榜印
卷各官席堂左右供給官席露臺左鳴贊官席
露臺右相嚮二人共席一甲進士在供給官席
前二甲一名三甲一名進士在一甲南稍後均
西嚮專席餘進士席露臺下左二甲右三甲相
嚮二人共席設香案如入闈燕儀主席大臣各

官朝服集金水橋諸進士集於部以俟席備光
祿寺官詣金水橋以告主席大臣各官至部堂
官迎檐下揖遂率諸進士詣香案前鳴贊贊排
班贊行三跪九叩禮如儀退各官依席次序立
旅揖和聲署樂作序班引一甲進士至堂檐下
東面立諸進士序立於後嚮主席大臣四拜主
席答揖次讀卷官本部鑾儀衛堂官如之次執
事官再拜執事官答再揖畢主席出堂檐前立

光祿寺官奉壺注酒於爵主席受爵揖祭酒三
揖受虛爵光祿寺官復注酒授一甲進士進士
受爵揖立飲卒三爵主席復位各官就坐諸進
士依席次坐迺燕和聲署樂作燕畢謝

恩如前儀

凡恭修

實錄開館日燕監修總裁各官或於禮部或於館內前
期由部奏請

命主席大臣付光祿寺庀饌監修總裁官主席大臣
均專席在部則堂官陪燕纂修提調收掌謄錄
繙譯各官共席均左右相嚮燕畢謝

恩如儀

在館於金水橋南
在部設香案行禮

凡衍聖公來朝燕於禮部以尚書陪燕是日設
賓主席於後堂東嚮以南為上博士席北嚮以
西為上設香案於露臺上廼速賓衍聖公入儀
門降輿尚書迎於堂檐下揖又旅揖博士詣香

案前聽贊行三跪九叩禮畢廼坐光祿寺官奉
茶酒饌和聲署作樂燕畢詣香案前謝

恩行一跪三叩禮畢送如迎儀

凡外國貢使朝

見畢燕於禮部以堂官主席至日設席主席位堂正
中正使居其右副使在正使下均專席從官從
人席副使後均共席露臺上設香案廼速貢使
至二門步入主席率詣香案前聽贊行三跪九

叩禮畢正副使見主席一跪三叩主席答揖三
廼坐茶一行酒三行燕畢詣香案謝

恩行一跪三叩禮使者稟辭各退

凡外藩王公入

朝元正在京正紅鑲白鑲紅正藍鑲藍五旗王公
於元日後擇吉各筵燕一次每旗主席以親王
或郡王一人就府中設席其餘本旗諸王貝勒
貝子公咸赴陪燕主人席西嚮賓席東嚮均專

席北上從官席門外檐下及露臺上東嚮稍後
咸共席賓至主人迎入行禮序坐視賓秩尊卑
各以其班接待詳見儀制司相見儀既入坐從官門外行
二跪六叩禮各就坐王府樂作雜劇並陳燕畢
從官先出謝燕行禮賓主各行禮出席賓辭出
送如迎禮

餽廩

凡會試齎餽豫劄順天府移取直隸布政使司

庫銀送部委大宛二縣丞倅承辦咨取戶部米
給領又咨取工部薪炭委順天府治中領辦臨
期委司官一人充供給所官監視舉子三場飲
食毋有不潔自考官知貢舉以下場內有事官
吏日供肴饌各有差等隸卒匠役均予稍食事
竣部會順天府尹奏銷

凡賓館饗餼東南西徼外及海島諸國

朝貢使者日給脯資餼牽部劄光祿寺二日一送

館西北諸番部落遣使西域番僧遣徒

盛京及陝甘邊境諸寺番僧朝貢至京者由理藩
院咨部轉劄光祿寺供備

凡饋餼下嫁外藩公主暨額駙館於

京師外藩王公來

朝遇元旦令節均由部奏

賜除夕筵席從官酒肉各有差分行所司供備○衍
聖公來

朝初至由所司具食品致餼○外國

朝貢陪臣在京度歲除夕

賞賚均劄光祿寺供備

凡廩給

盛京以北人戶移家來京及邊界新附人戶來京者由旗咨部劄光祿寺按其人數日給肉鹽至三歲廼止

盛京禮部歲進

陵寢供品

盛京吉林等處將軍及戶部內務府所屬採捕地方歲進水陸物產齎送官役日有廩給均咨到部劄光祿寺供備

牲牢

凡供祭牲牢

盛京禮部設牛羊牧羣以供

三陵歲時祭饗歲以滋息及取用之數咨部並咨戶部

察覈

東陵

西陵每祭取乳牛行左右翼稅務供備領牛官役行糧
乳牛芻牧移文戶部給票沿途支取

凡燕會牲牢

慶典令節

賜燕於

宮殿各典禮及番夷來

朝入貢

賜燕於衙署館舍均行左右翼稅務供羊

凡賓館牲牢下嫁外藩公主館於

京師日給羊一郡主以下三日給羊一○除夕

賜公主額駙外藩王公席

賞賚外國陪臣及番夷貢使每日館餼所用蒙古羊
行左右翼稅務漢羊行光祿寺按數供備

凡

賜卹牲牢宗室王公暨福晉夫人

諭祭行左右翼稅務備羊下嫁外藩公主郡主以下

暨外藩王公

諭祭所用牛羊行戶部給價各有差

欽定大清會典卷五十七